



D. O. M.
POSITIONES ANATOMICÆ
ET
CHIRURGICÆ.

EX ANATOMIA.



XCRESSENTIA carnis speciem referens, haud rarè intrà nasi mæandros gignitur; nascens vultû quasi benigno, crescens ancipiti more, versus summum extensionis gradum progrediens indole malignâ plerumque donatur: ita ut ista primum tractatû difficilis, dein perversa, tandem periculum minitans. Heu! quæ in naribus Polypi nomine venit a voce græca Πόλυπος, quoquo versum infelicitas!

PRO naturâ affectûs, accidentibus, prognosi, curatione aptè dignoscendis, rem Anatomicam huic morbo pertinentem, respon-

tionibus tamen satis fusè enucleandam, leviter indicando attingemus.

SITUS, forma, partes Nasi externi satis innotescunt, id circò his describendis supersedemus, ad Narium internarum peculiariam simul & utiliora festinantes.

NASUS dicitur externus & internus; hic Narium nomen interdum recipit: ille cavitatis amplioris tanquam appendix conspicitur: attamen patulæ Nasi expansi aperturæ, intus vibrissis instructæ, æquivocâ nec non usui accommodâ denominatione Narium insigniuntur. Quod cum strictè non ita sit juxta Chirurgo, totus externus Nasi apparatus is considerandus, quem ad organi *Πόλυχρυσσε* cavitatem internam & præcipuam mali latentis sedem meritò referendum dixeris.

SUE sunt Naso externo speciales partes, quædam verò cum Naribus internis communes: propriæ, tegumenta, musculi dicuntur; communes, membranæ, vasa, nervi, ossa, Cartilagines.

QUO ad Nares attentius in trospiciendas, plurima Chirurgorimabundo considerata veniunt. Primùm cavitas multiformis intus amplior quàm foris spectatur interventu septi dispartita; superiùs à laminâ cribrosa descendens, inferiùs à vomere efformati, anteriori triangulari cartilagine absoluti.

UTRAQUE cavea interjecta ossi cribroso, cælo palati, ab anterioribus Nazi foraminibus transversè retrorsùm extensa, terminatur ad summas fauces.

LATERALIS superficies narium augetur recessibus spiralibus ossium turbinatorum, quorum suprema & media pendent ab ossi cribroso, infima & maxima sunt ab his distincta, quæ tamen in ætate firmatâ haud rarè cum vicinis ossibus coalita reperiuntur.

AMPLIOR sit cavitas Narium sinuum ope, qui satis magni sunt recessus & quasi illarum additamenta: tres numero, frontales scilicet, maxillares & sphenoidales, qui quidem hiant in ampliori binâ capacitare communi nasalis antri.

PRÆTEREA utrinque adsunt non levioris momenti oscula duc-

tuum lacrimarium ponè turbinatum os inferius. Quod attinet ad viam ut desinentem, indicante Stenone, ex utraque nare recentis capitis versus palatum, inter anatomicos ambigitur.

TOTA superficies quasi laxata Narium, miris modis cavernosarum & compositarum, sicut & sinuum ambitur, tegitur membrana (quæ vulgò Pituitaria) pulposa, molli, vasculosa, porosa, vasorum & nervorum refertissima.

VELUM palati, ejus partes, structuram, & quædam vicinia, de quibus nondum mentionem fecimus, ut totum adimpleatur objectum, minimè omitti, contrà verò diligenter expendi judicatu facile.

DE cætero, Nasum internum non ut organum odoratus, nec voci & respirationi inservientem ad summum obiter, sed ob materiæ pathologicæ molem, tanquam triste Polypi Theatrum nobis investigare liceat.

EX CHIRURGIA.

PRÆMISSA sufficienti explanatione anatomicâ partium morbi quoties Tyrannidem experientium, pro ut illius cognitioni & curationi congruit, necessariò ad Pathologica & Practica deveniendum.

Si Carunculæ in eâ membranâ, quâ internæ nares vestitæ sunt, excrecant, fit Polypus, modò alius circà os cribrosum, modò demissius circà alia officula; & inde à pedunculo pendulus, sic continuò auget, ut tunc instar sacci exterius ex nare pendeat, vel tunc interiùs per posticum Nasi aditum, ut in faucibus conspici possit; & tum tristis sequela, jam pridem obfactus sensu hebetè reddito, nec non ingrata loquelæ sono, brevi urgebit timor suffocationis.

Vix utilis apud quosdam Autores distinctio, à primo genitu ægretudinis, inter sarcoma Nasi & Polypum; est idem per idem, illud tantum ab hoc duritie quâdam & amplo fundo seu latissimâ radice tumoris differt. Color & soliditas Polyporum, cum dolore vel absque sensu, variè in variis.

Si Polypus, quod non rarò, ortus in interiori sinu maxillari,

4

(a) & se extendendo quasi è claustris eruperit in nares, tùm illud in iis formam amplissimæ cohærentiæ & carcinomatodes habere falsò dijudicabitur. De cætero sæquentiùs ob substantiam ossium emollitam, diductam, destructam, undè molles partes extrà limites producuntur, facies dimidia extuberans deturpatur; quod magis ac magis, quæquæ sint sedes Polyporum radicum, si malum in pejus ruit. Præterea lacrimarum Stillicidium serè semper veluti accidens, deformitati jungitur (b).

Ut plurimum inter initia Polypo non nisi unica radix eaque tenuis est, vel crassior magni que venis instructa. (c) Ille interdùm Hydræ similis, cui plurimæ irrepentes è corpore radices caudarum instar sub sunt; interdùm etiam in multiplices ramos veluti enascentia capita prodire nitentia, se dividit.

Numquam Polypus, si solus se offert in utrâque nare nisi propulso cum ruinâ lepto; vel forsàn nisi faucibus ob viis replicatâ versus anteriora excrescentiæ quâdam extremitate aliena diverticula eluctante.

VITUM procreans malam hanc labem reperies in membranâ pituitariâ obstructâ, conjunctim in ejus glandulis, si adsint, ingurgitatione labefactatis; hæc inde finim ex humoribus noxiis augetur crassitie, donec tumor conspicuus prodeundi impatiens, efformetur.

Quæris causas quæ Polypum inducere valeant? Innumeræ. Sunt internæ & externæ; abditæ & manifestæ. Ex pravâ Diathesi à sanguine impuro & pituitoso; vel à quibusdam vitiis gravioribus nempe, venereo, strumoso, cancroso, scorbutico, internæ causæ oriuntur: contusio fractura Narium, hemorrhagiæ, avulsio vibrissarum, catharro & corysa diu perseverante, externas inter causas

(a) Vid. Ruisch. Affert exempla Polyporum in antro Higmoni ceu Maxillari, delitescientium. Cent. Obs. Anat. 77.

(b) Vidimus multoties sacchum lacrimalem turgidum, & liquorem puncti lacrimalibus exundantem, ob orificium ductus intrâ Nares, depresso, Massæ tumoris, osse turbinato inferiori: quod ibidem observavit Mag. le Dran. *Observations de Chirurgie..* Tom. 1. Obs. 6.

(c) Sæpè sæpiùs magni Polypi latè adhærentes plurimis partibus Narium & vicinis, reperti sunt. Conf. M. de Garangeot. *Opérat. de Chirurgie.* Tom. 3. *Ibid.* M. le Dran. *Observ. de Chirurg.* Tom. 1. Obs. 6 & 7.

3

recensentur. Abditæ & manifestæ internæ ex præcedentibus patent.

POLYPUM à Polypo discriminant essentia, compositio, figura, ætas, tempus, soliditas, ac demùm accidentia: hinc Dædaleum opus, innumeræ profiliunt species, quas recensere vix quidem operæ pretium sit. Quinque potissimum liquidò explorandæ observantur, quarum seu Diagnolus, seu Prognosis haud difficili negotio deducenda.

CUIUSCUMQUE modi sint Polypi ipsorum incrementis quàm maxima celeritate occurrendum, quippe qui per vetustatem ingravescentes, seram nimium opem nequicquàm efflagitent.

HAUD dubiè, ab ovo, lenior ad curationem medicamentorum via; tunc in promptu sunt adstringentia & exsiccantia miros sortita effectus. Ubi autem improspere cessura videbuntur, diversam auspicari est medendi normam.

PRO ætate, sitû, volumine, indole Polypi eradicandi variæ methodi admittendæ; Abnuis? Velim ut nequid inconsultò properes.

SI intrà recessus opacos labyrinthi Narium intortè adhæreat Polypus majoris massæ, non adeunda unica Encheiresis; pro variis vel una seorsim seligi, vel plures vicissim institui debent: Præeunte levi attractione speculatoriâ, scalpello, si necesse, facilior reddita ligatura iterùm atque iterùm, & sectiones ibidem faciendæ; forsitan caustica & escharotica (adhibitæ cautelis) admovenda, postea repetitæ extractiones, mediante forcipe idoneo, peragenda. Hæc omnia, pervices, in eadem curatione, ut morbus intricatissimus debellatur, præsentanea se præbent. Quid plurima enumerem?

LIGATURAM Polypi Narium tutiorem curationis viam libentissimè concedimus; sed pace illorum qui hanc ut perpetuam commendant, reponamus: hæc arte non est semper ut curetur ægrotans. Si ad quasdam Polyporum species attendatur, in quibus vix sine torturæ angustia admoveretur. Quando admittenda venit ligatura à quâ curatio promptior, eam propter varia media ditissimam pronunciamus. (a)

(a) Consul, varii Scriptores Chirurgici; sed illorum inventiones cum an-

QUANDO celebrandæ ligaturæ major suspicatur difficultas, aut cum diffusa partibus accretio, minoris Polypi, minimè aptam renuit constrictionem, ope caustici ab experientissimis Chiriatis longior, sed tuta curatio, plaudentibus ægris, suscipitur. Felices qui possunt rerum Chemicarum cognoscere vires! Illud tamen medium, ligaturæ quæ in promptu venerit, non anteponi semper juvat: considerationes Chirurgicæ quæ ab internis Causticorum incommodis oriuntur, nostræ sententiæ favent.

CHIRURGUS multiscius ex auxiliis antea felicissimè adhibitis postea tanquam omnino despectis, nulla providè à se aliena putat. Semper quidam casus avulsionem, juvantibus vossellis, opportune expostulabunt.

SI cum perspicacitate anatomicâ Polypi extractio prudenter tentetur, profluvium sanguinis, aliter pertimescendum, non superveniet: contra, si eventum liquor vitalis manat, facilis fluxus breviter compescetur. *

LAUDANDA sanè veterum Chirurgicis in rebus solertia: absit tamen ut iis assentiamur tumorem candenti ferro per fistulam Naribus inserto, inurendum suadentibus. Crudelem adedè methodum cum Neotericis non improbamus tantum, sed & noxiam quoque judicamus.

NIHILO MINUS in casu difficiliore, extracto ferè in totum Polypo, si ossa carie, spinâ ventosâ defœdata, saltem ut non amplius serpat malum, aut ut radicitus extirpetur, aliàs recrudescens, reliquiæ crudelis contaminationis inuri debent ferro ignito convenienter immisso.

SUA non est omnibus Polypis certa curatio. Carcinomatosi, si exquisiti fuerint atque confirmati, meritò immedicabiles ha-

notationibus reperiens in Opere mox infra citato. Juxta plausum, ligaturam non minimi pretii à Mag. Levret inventam seligi censemus. Vid. Autoris extremum Opus. *Observations sur la Cure radicale de plusieurs Polypes de la Matrice, de la Gorge & du Nez.*

* Mag. Bellocq, ad Sataceum versus fauces, seu ad sistendam Hemorrhagiam, seu ad Nares post Polypi extractionem detergendas, injiciendum instrumentum acu formæ elasticum funiculo armatum feliciter excogitavit, ut frequenti experientiâ comprobatur. Istud inventum non adhuc divulgavit Reg. Chir. Academi. Conf. le Dran, Obs. 7.

7
bentur, quod ingenuè confitemur: non tamen promptè infortunio relinquendus est æger, ad ejus minimam desperationem difficillima tentenda ferè semper veniunt. Tandem, si nulla opere peragendo superfit spes, palliativa duntaxat medela congruit: in eo versatur, ut à Chirurgo debita injungatur victus ratio, idoneaque exhibeantur remedia, dolores, fin minùs sublaturà, at certè verò sedatura.

OPERATIONI cuilibet debent ceu antecedere, ceu succedere tenuis diæta, venarum sectiones ac medicamenta morbo competentia.

Has positiones, DEO JUVANTE, & præside M. PETRO BASSUEL, Liberalium Artium & Chirurgiæ Magistro, Regiæ Chirurgorum Academiæ Consiliario & Commercii extranei Secretario, Therapeutices Chirurgicæ Demonstratore Regio, tueri conabitur CLAUDIUS-ANTONIUS CADET, Parisinus, in almâ Parisiensi Artium Facultate Magister.

P A R I S I I S,

IN REGIIS CHIRURGORUM SCHOLIS.

Die 18^a. Augusti, anno Salutis 1752. à sesqui-secundâ post meridiem ad septimam.

PRO ACTU PUBLICO
ET SOLEMNI COOPTATIONE.

Typis FR. DELAGUETTE Chir. Collegii Typographi.

THE UNIVERSITY OF CHICAGO
CHICAGO, ILLINOIS
JANUARY 1892

THE UNIVERSITY OF CHICAGO
CHICAGO, ILLINOIS
JANUARY 1892

PAID

THE UNIVERSITY OF CHICAGO
CHICAGO, ILLINOIS
JANUARY 1892

THE UNIVERSITY OF CHICAGO
CHICAGO, ILLINOIS
JANUARY 1892

THE UNIVERSITY OF CHICAGO
CHICAGO, ILLINOIS
JANUARY 1892